



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆՆ ԱՌԸՆԹԵՐ ՊԵՏԱԿԱՆ
ԵԿԱՄՈՒՏՆԵՐԻ ԿՈՄԻՏԵ**

ք. Երևան, Ս, Դավթի 87ա

<< 26 >> հոկտեմբեր 2017թ.

Ո Ր Ո Շ ՈՒ Մ №. 2426/08

**Հարկ վճարողից ժամանակին չվճարված հարկային մարմնի կողմից
վերահսկվող եկամուտների գծով վճարման ենթակա գումարը գանձելու մասին**

Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով <<Սթիլյարդ>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<Սթիլյարդ>> ՍՊԸ-ի (ՀՎՀՀ 00136412, հասցե՝ ք. Երևան, Բաղրամյան փողոց 59 Ա, պետ. գրանցման համարը՝ 83.892675) հարկային մարմնի կողմից վերահսկվող եկամուտների գծով չկատարված պարտավորությունը <27> սեպտեմբերի 2017թ.-ի դրությամբ կազմել է 543.851 դրամ, որից ապառք՝ 308.291 դրամ, տույժ՝ 235.560 դրամ:

Վերոհիշյալ պարտավորության մասով Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ 543.851 դրամ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <27> սեպտեմբերի 2017թ.-ին հարկ վճարողը պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և որևէ բացատրություն չի տվել:

Արդյունքում ժամանակին չկատարված հարկային պարտավորությունը կազմում է 543.851 դրամ, որից՝

շրջանառության հարկի գծով պարտավորությունը կազմում է 32.137 դրամ, որից ապառք՝ 20.740 դրամ, տույժ՝ 11.397 դրամ, որն առաջացել է 2016 թվականի 2-րդ եռամսյակի հաշվարկից,

եկամտային հարկի գծով պարտավորությունը կազմում է 511.714 դրամ, որից ապառք՝ 287.551 դրամ, տույժ՝ 224.163 դրամ, որն առաջացել է 2016 թվականի ապրիլից մինչև 2017 թվականի օգոստոս ամիսների եկամտային հարկի և սոցիալական վճարի հաշվարկներից,

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր:

<<Հարկերի մասին>> ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է:

Համաձայն <<Հայաստանի Հանրապետության 2017 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու

պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով <<Հարկերի մասին>> ՀՀ օրենքի 29.1, <<Հարկային ծառայության մասին>> ՀՀ օրենքի 4-րդ հոդվածի 11-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<Սթիլյարդ>> ՍՊ ընկերությունից գանձել **543.851** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ապահովող ծառայություն:
3. Որոշման օրինակն եռօրյա ժամկետում ուղարկել /ֆիզ. անձին կամ/ հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի մասին հիմնական տվյալներ

ամսագրի

Կատարող՝ Անահիտ Խաչատրյան
Իրավաբանական վարչություն
հարկադիր գանձումների բաժին